



**UNIT KOMUNIKASI KORPORAT JABATAN  
PERIKANAN MALAYSIA  
BERITA PERIKANAN HARI INI**

**19 Januari 2021**  
**06 Jamadilakhir 1442H**

| <b>SENARAI AKHBAR</b>               | <b>TAJUK</b>  |
|-------------------------------------|---|
| <b>Utusan Malaysia</b>              | •   |
| <b>Berita Harian</b>                | •   |
| <b>Harian Metro</b>                 | • Berjaya selepas tinggal kerjaya   |
| <b>Kosmo !</b>                      | •   |
| <b>Sinar Harian</b>                 | • Ikan laga bukan lagi jaguh kampung<br>• Nelayan hilang, seorang lagi terselamat bot dinaiki karam |
| <b>The Star</b>                     | •   |
| <b>New Straits Time</b>             | •   |
| <b>Nanyang Siang Pau</b>            | •   |
| <b>Malaysia Gazette</b>             | •   |
| <b>Harakah</b>                      | •   |
| <b>Malaysia Dateline</b>            | •   |
| <b>Bernamea</b>                     | •   |
| <b>See Hua Daily News (Kuching)</b> | •   |
| <b>Guan Ming Daily</b>              | •   |
| <b>The Borneo Post</b>              | •   |

| JENIS AKHBAR              |  |                   |         |                |         | MUKA SURAT | TARIKH |                   |  |
|---------------------------|--|-------------------|---------|----------------|---------|------------|--------|-------------------|--|
| UTUSAN MALAYSIA           |  | KOSMO I           |         | THE STAR       |         |            |        | NANYANG SIANG PAU |  |
| BERITA HARIAN             |  | SINAR HARIAN      | ✓       | THE SUN        |         |            |        | ORIENTAL DAILY    |  |
| HARIAN METRO              |  | NEW STRAITS TIMES |         | THE MALAY MAIL |         |            |        | PELBAGAI          |  |
| KATEGORI LIPUTAN: POSITIF |  |                   | NEGATIF |                | NEUTRAL |            | 16     |                   |  |
|                           |  |                   |         |                |         |            | 16     | 19/11/2021        |  |

Bersama MERAK JALANAN

## Ikan laga bukan lagi jaguh kampung

SH m/s 16 19/11/2021

Uniknya sekarang, orang dah tak panggil ikan laga lagi. Ikan laga sudah naik taraf kehidupannya. Macam perempuan, kalau di kampung kita panggil 'Minah' tetapi apabila datang ke bandar namanya sudah bertukar jadi 'Sally'.

Ikan laga sekarang kita panggil *beta fish*. Disebabkan taraf hidup ikan itu sudah meningkat, gaya hidupnya turut berubah. Harganya juga boleh tahan dan mencecah RM1,000 seekor. Patutlah Disember lalu, tiga lelaki

ditahan polis kerana dipercayai terlibat dalam kes mencuri beberapa ekor ikan laga yang dianggarkan bernilai RM500 di sebuah rumah di Kedah. Dulu tiada siapa pandang pun ikan laga.

Sekarang, daun pokok ketapang yang tidak pernah ada nilai pun sudah jadi duit khabarnya. Daun ini penting untuk ikan laga.

Merak Jalanan pernah bela beberapa ekor ikan tetapi banyak juga dah mati. Susah juga nak jaga sebenarnya. Tetapi Merak Jalanan tumpang gembira

sebab ikan laga ini dah jadi sumber pendapatan ramai orang.

Khabarnya, ada yang dapat pendapatan sehingga RM8,000 sebulan tapi mungkin ada yang dapat lebih daripada itu. Diharap orang kita dapat belajar bersungguh-sungguh mengenai bidang ini supaya ikan laga dapat permintaan tinggi di seluruh dunia.

Senang cerita, buat sampai jadi. Jangan sekadar jadi jaguh kampung sendiri. Alang-alang menyeluk pekasam, biar sampai ke pangkal lengan.

| JENIS AKHBAR              |  |                   |         |                |         |                   | MUKA SURAT | TARIKH    |
|---------------------------|--|-------------------|---------|----------------|---------|-------------------|------------|-----------|
| UTUSAN MALAYSIA           |  | KOSMO!            |         | THE STAR       |         | NANYANG SIANG PAU |            |           |
| BERITA HARIAN             |  | SINAR HARIAN      | ✓       | THE SUN        |         | ORIENTAL DAILY    |            |           |
| HARIAN METRO              |  | NEW STRAITS TIMES |         | THE MALAY MAIL |         | PELBAGAI          |            |           |
| KATEGORI LIPUTAN: POSITIF |  |                   | NEGATIF |                | NEUTRAL |                   | 19         | 19/1/2021 |

SH M/s 19 19/1/2021

## Nelayan hilang, seorang lagi terselamat bot dinaiki karam

**KOTA KINABALU** - Seorang nelayan hilang manakala seorang lagi terselamat selepas bot yang mereka naiki karam dalam kejadian di perairan Kuala Abai, Kota Belud pada pagi Isnin.

Dalam kejadian kira-kira jam 6 pagi itu, kedua-dua nelayan terbabit difahamkan menaiki bot jenis gentian kaca, namun cuaca yang buruk dipercayai menyebabkan bot terbalik dan karam.

Pengarah Agensi Penguatkuasaan Maritim Malaysia (Maritim Malaysia) Sabah dan Labuan, Laksamana Pertama Maritim Datuk Mohd Rosli Abdullah berkata, Pusat Penyelaras Mencari dan Menyelamat Maritim (MRSC) Kota Kinabalu telah mengaktifkan operasi mencari dan menyelamat (SAR) jam 12 tengah hari.

"Maklumat diterima daripada Pengkalan Hadapan Operasi National Task Force (NTF) Teluk Usukan bahawa bot yang dinaiki dua nelayan karam.

"Seorang mangsa di-



MOHD ROSLI ABDULLAH

LAGI BOT KARAM

laporkan selamat, bagaimanapun butiran mangsa masih belum diketahui," katanya dalam satu kenyataan pada Isnin.

Mengulas lanjut mengenai kejadian itu, Mohd Rosli berkata, kejadian terbaharu itu adalah yang ketiga dalam tempoh kurang daripada seminggu ekoran keadaan cuaca yang buruk di negeri ini.

"Rekod bagi Januari tahun ini, MRSC Kota Kinabalu telah mengaktifkan enam operasi SAR meliputi tiga di perairan Sandakan dan satu masing-masing di perairan Karambunai dan Semporna.

"Terdapat mangsa yang masih belum ditemui seperti kes yang berlaku di Sandakan dan operasi masih dijalankan bagi mengesan serta mencari mangsa yang hilang.

"Keadaan cuaca yang buruk ini turut menyukarkan usaha mencari dan kebanyakan kejadian bot karam adalah disebabkan oleh keadaan cuaca yang buruk serta laut yang bergelora," katanya.

| JENIS AKHBAR    |   |                   |  |                |                   | MUKA SURAT | TARIKH    |
|-----------------|---|-------------------|--|----------------|-------------------|------------|-----------|
| UTUSAN MALAYSIA |   | KOSMO !           |  | THE STAR       | NANYANG SIANG PAU |            |           |
| BERITA HARIAN   |   | SINAR HARIAN      |  | THE SUN        | ORIENTAL DAILY    |            |           |
| HARIAN METRO    | ✓ | NEW STRAITS TIMES |  | THE MALAY MAIL | PELBAGAI          | 39         | 19/1/2021 |

HARIAN METRO  
SELASA 19 JANUARI 2021

WM | 39

# BERJAYA SELEPAS TINGGAL KERJAYA

Wanita ambil risiko besar selepas berhenti kerja dari syarikat gergasi kini mampu tersenyum lebar



Dalam tempoh itu pelbagai ujian yang dihadapi termasuk rumah pernah dipecah masuk dan paling tidak boleh dilupakan saya pernah dihina kerana tidak miliki harta sehingga dimasukkan ke hospital apabila mengalami tekanan perasaan

**NORAINI**



Oleh **Muhamamad Razis Ismail**  
razis@hmetro.com.my

Biarpun sudah memiliki pekerjaan yang baik di dua syarikat besar, seorang wanita sanggup mengambil risiko untuk mencuburi bidang perniagaan.

Dua sebab utama, Noraini Nordin, 38, berbuat demikian iaitu mahu merealisasikan impian suami untuk berjaya dalam perniagaan dan mempunyai masa meniaga dua anak yang masih kecil.

Keputusan yang dibuat sembilan tahun itu membuahkan hasil, apabila

perniagaan makanan sejuk beku iaitu bebola ikan dan kek ikan di Tangkak, Johor kian dikenali ramai.

Noraini berkata, pada mulanya niat untuk berniaga hanya untuk membantu suami. Salihin Abdullah, 42, yang mempunyai impian memiliki perniagaan sendiri

Katanya, biarpun suami sudah memiliki pekerjaan sebagai pengurus di sebuah syarikat besar, dia mencuba pelbagai jenis perniagaan tetapi tidak berjaya.

"Jadi sebagai seorang isteri saya tanamkan niat

untuk merealisasikan impian suami walaupun saya juga mempunyai pekerjaan sebagai eksekutif di sebuah syarikat besar.

"Pada masa sama, saya didorong untuk meluangkan lebih masa dengan anak yang masih kecil kerana sebelum ini sering dihantar ke rumah pengasuh," katanya ketika dihubungi baru-baru ini.

Menurutnya, pada awal pembabitannya dalam perniagaan, dia berdepan pelbagai cabaran kerana tidak memiliki pengalaman dalam bidang itu.

"Tambahan pula, pada ketika saya perlu menjaga dua anak yang masih kecil kerana tinggal berjauhan dengan suami yang hanya dapat pulang pada hujung minggu disebabkan tuntutan kerja.

"Dalam tempoh itu pelbagai ujian yang dihadapi termasuk rumah pernah dipecah masuk dan paling tidak boleh dilupakan saya pernah dihina kerana tidak miliki harta sehingga dimasukkan ke hospital apabila mengalami tekanan perasaan.

"Bagaimanapun dengan sokongan dari keluarga termasuk ibu dan suami membuatkan saya terus kuat untuk lakukan terbaik dalam bidang perniagaan," katanya.

Kini, berkat kesabaran

dan kegigihannya berdepan pelbagai cabaran, beliau boleh berbangga dengan usahanya sendiri apabila produk Aini Pinky Food dikenali ramai.

"Bermula bekerja sendiri di rumah, kini saya memiliki sembilan pekerja sepenuh masa terdiri daripada penduduk setempat dengan menyewa lot kedai dengan jualan mencecah puluhan ribu sebulan.

"Lebih mengembirakan, pada awal tahun lalu, suami buat keputusan untuk bersama-sama mengembangkan perniagaan ini," katanya.

Ditanya perancangan masa hadapan, Noraini menetapkan beberapa sasaran untuk dicapai pada tahun ini antaranya memperolehi pensijilan halal bagi semua produk keluarannya.

"Selain itu saya mahu membuka peluang pekerjaan kepada lebih ramai penduduk setempat, berkongsi rezeki dengan memiliki agen dan stokis di seluruh Malaysia.

"Di masa hadapan, saya berhasrat memiliki sebuah kilang yang menuju ke arah revolusi industri 4.0 dan dapat memasarkan produk ke luar negara," katanya.

FOTO: IHSAN NORAINI NORDIN